



abit ille homo . & nunciavit iudeis quia ih̄s esset
qui fecit eum sanum . . F .

Propter ea persequerentur iudei ih̄m . quia hæc fa-
ciebat in sabbato . ih̄s autem respondit eis . pater meus
usque modo operatur & ego operor . propter ea
ergo magis . querebant eum iudei interficere .
quia non solum soluebat sabbatum . sed & patrem
suum dicebat dñm æqualem se faciens dō .

Respondit itaque ih̄s & dixit eis . amen amen dico
uobis . Non potest filius facere a se quicquam .

Nisi quod uiderit patrem facientem . quæcumque
enim ille fecerit . hæc & filius similiter facit .

Pater enim diligit filium . & omnia demonstrat ei
quæ ipse facit . & maiora his demonstrabat ei opera .
ut uos miramini . Sicut enim pater suscitât mor-
tuos . & uiuificat . sic & filius quos uult uiuificat .
Neque enim pater iudicat quemquam . sed iudiciũ
omne dedit filio . ut omnes honorificent filium .
sicut honorificant patrem .

Qui non honorificat filium . non honorificat patrem
qui misit illum .

Amen amen dico uobis . quia qui uerbum meum
audit . & credit ea qui misit me . habet uitam æternam .
& in iudicium non uenit . sed transit a morte in
uitam . Amen amen dico uobis . quia uenit hora
& nunc est . quando mortui audient uocem
filii . & qui audierint uiuent . Sicut enim pater
habet uitam in semet ipso . sic dedit & filio uitam .